

Høyringsvar frå Fjaler sokneråd. Endringar i gravplasslova og gravplassforskrifta

Barne- og familiedepartementet har sendt ut framlegg til endringar i gravplasslova og gravplassforskrifta. Høyringar er opne, og alle kan sende svar og svarfristen er 1.10.2021.

Det er gjort greie for forslaga i elleve tematiske kapittel der første kapittelet er eit samandrag. Lokal gravplasstyresmakt i Fjaler er samd i halvdelen av forslaga til departementet og har berre kommentert der vi har merknad.

Støttar departementets forslag: 2 Arkivlova, 3 Teieplikt, 4 Handsaming av klage, 5 Uttale frå kyrkjelege organ.....gravplass, 6 Medlemskap.

7 Nærare regulering av urnevegg

Departementets forslag: Gravplassforskrifta § 31 første leddet ny andre setning skal lyde:

Urne som gravlegges i urnevegg, skal tåle oppbevaring i 100 år.

Saknar grunngjeving for kvifor så lenge som 100 år. Ei grav skal kunne festast så lenge som det er attlevande som hugsar avdøde.

8 Namneflytting

Spørsmålet i dette punktet er om ein skal opne for namneflytting til namneplater i namna minnelundar.

Fornuftig at det blir omtalt som «namneflytting» i staden for «symbolsk flytting».

Flytting av namn bør framleis berre skje i samband med ny gravlegging.

Tal namneplater må samsvare med tal graver.

Mest mogeleg bør vere regulert i nasjonal forskrift.

Støttar alternativ 2 der forskrifta set fleire vilkår for namneflytting.

Nytt 5 punktum i Gravplassforskrifta § 21 andre ledd skal lyde:

Søknad om navneflytting til en navnet minnelund kan bare fremmes i forbindelse med gravlegging og bare for ett navn.

9 Nedbryting i kistegrav

9.2.3. Departementet ber om synspunkt på om det bør vere eit tilleggsvilkår at gravplasstyresmakta reknar med at nedbrytinga neppe vil bli fullført på 60 år.

Vi støttar dette tilleggsvilkåret til Gravplassforskrifta § 5 andre leddet, ny andre setning.

Dette med omsyn til gravplassforvaltar og ikkje minst festar / pårørande.

Støttar departementet sine forslag i krav til massar 9.3.3 og Registrering av avvik 9.4.3.

10 Når festar døyr

10.4 Departementets forslag

Gravplasslova § 16 andre leddet skal lyde:

Når festeren dør, skal den som sørger for gravferden gis anledning til å bli ny fester, med mindre noen etterlatte skriftlig krever spørsmålet avgjort av gravplassmyndigheten der graven ligger.

Etter vår meining er ikkje forslaget heilt dekkande.

Det er ikkje uvanleg at den avdøde er ansvarleg eller festar for fleire graver. I praksis er det difor slik at vi, som lokal gravplasstyresmakt, tek kontakt med den som syter for gravferda og ber han/ho avklare med avdøde sin familie, kven som skal overta ansvaret/festet av gravene.

Ikkje uvanleg blir det spreidd på fleire.

Gravplasslova § 16 andre leddet bør lyde om lag som følgjer:

Når ansvarlig for fri grav / festeren dør, skal den som sørger for gravferden, i samarbeid med avdødes familie gi, gravplassmyndigheten der graven/gravene ligger, tilbakemelding om

hvem som skal være ansvarlig / stå som ny fester av graven/gravene som avdøde hadde ansvar for.

11 Betaling for å fjerne gravminne

Departementets forslag er oppheving av Gravplassforskrifta § 21 tredje leddet første punktum *Eieren skal besørge fjerning av gravminne fra grav som ikke festes. (Dersom gravplassmyndigheten ..)*

Departementet meiner at det som står i Gravplassforskrifta gir eit anna svar enn gravplasslova § 18 andre ledd om ein må betale for å fjerne gravminnet eller ikkje.

Gravplasslova § 18 andre ledd: *Når festet opphører, skal festeren om mulig gis anledning til å fjerne gravminne og lignende innretning fra gravplassen. Det som ikke er fjernet fra gravplassen innen seks måneder etter festets opphør, tilfaller gravplassen.»*

Forslag til nytt siste punktum.

Det som ikke er fjernet fra gravplassen innen tre måneder etter festets opphør, blir fjernet av gravplassmyndigheten for eiers rekning.

At dei to siterte føresegnene gir ulikt svar kan vi vere samde i, men vi er usamde i å oppheve gravplassforskrifta § 21 tredje leddet første punktum. Vi meiner at lov og forskrift må samsvare med kvarandre, men vi må ha høve til å ta betalt frå gravminne-eigaren for tenesta med å syte for at eigedomen hans vert destruert. For lokal gravplasstyresmakt er det eit stort problem, og ein ikkje ubetydeleg kostnad, å få knust gravminna frå graver som ikkje lenger er ønskt festa. Ikkje alle har ein steinknuser i kommunen

Sluttmerknad.

For å auke gravplassmyndigheten si inntekt bør tilrådinga frå NOU 214: 2 Lik og likskap, om å skilje den betalingsfrie perioden frå fredingstida, blitt gjeldande. Betalingsfri periode på 20 år for heile landet.